



Ark.no. 412.5 Reker

Bergen, 24.9.1986
EE/BSH

FORSKRIFT OM ENDRING I FORSKRIFT OM REGULERING AV REKEFISKET VED VEST- OG AUST-GRØNLAND I 1986.

Fiskeridepartementet har 19. september 1986 med heimel i lov av 3. juni 1983 nr. 40 om saltvannsfiske m.v. §§ 4 og 5 og i lov av 16. juni 1972 nr. 57 om regulering av deltakelsen i fisket § 6, femte ledd, bestemt:

I

I forskrift av 23.12.85 om regulering av rekefisket ved Vest- og Aust-Grønland i 1986, gjøres følgende endring:

§ 6 tredje ledd skal lyde:

Fiskeridirektøren kan oppheve fartøyskvotane ved Aust-Grønland fastsett etter §§ 2, 4 og 6, første ledd. Etter at fartøyskvotane er oppheva kan Fiskeridirektøren bestemme:

1. at deltakande farty kan fiske fritt fram til den totale kvoten på 2050 tonn er oppfiska eller
2. at restkvoten blir delt med likt kvantum på kvar av dei deltakande farty.

§ 6 (nytt) fjerde og femte ledd skal lyde:

Dersom restkvoten blir delt likt på dei deltakande farty kan Fiskeridirektøren fastsetje ein siste frist for å starte fisket. Farty som ikkje overheld fristen misser den tildelte kvote.

Dersom storleiken på restkvoten eller talet på innvilga lisenser tilsier at ferre farty enn dei som har meldt seg interesserte kan delta kan Fiskeridirektøren avgjere kven som skal få løyve til å fiske.

II

Denne forskrift trer i kraft straks.

Etter denne endring har forskrifta denne ordlyden:

FORSKRIFT OM REGULERING AV REKEFISKET VED VEST- OG AUST-GRØNLAND I 1986.

Fiskeridepartementet har 23. desember 1985 med heimel i lov av 3. juni 1983 nr. 40 om saltvannsfiske m.v. §§ 4 og 5 og i lov av 16.



juni 1972 nr. 57 om regulering av deltakelsen i fisket § 6, femte ledd, fastsett denne forskrifta:

§ 1

Det er forbode å fiske reker ved Vest-Grønland (NAFO-område 1) og i den grønlandske sona ved Aust-Grønland (ICES-område XIV og Va).

Utan hinder av forbodet i første ledd kan norske farty som er tildelt kvote i 1986 fiske 450 tonn reker ved Vest-Grønland i NAFO-område 1 sør for 68° n.br. og 2050 tonn reker i den grønlandske sona ved Aust-Grønland i ICES-områda XIV og Va.

§ 2

Totalkvoten på 2050 tonn ved Aust-Grønland skal fordelast på dei deltakande farty etter inndeling i følgjande grupper på grunnlag av godkjend lastekapasitet:

- a) under 80 tonn
- b) 80 tonn til 99,9 tonn
- c) 100 tonn til 129,9 tonn
- d) 130 tonn til 159,9 tonn
- e) 160 tonn til 199,9 tonn
- f) 200 tonn og meir

Fartykvotane blir utrekna slik: 50% av totalkvoten blir delt med likt kvantum på kvart farty. Dei resterande 50% blir delte på fartya etter den gjennomsnittlege lastekapasiteten i gruppene.

Ikkje noko farty kan tildelast ein fartykvote som er større enn fartyet sin godkjende lastekapasitet.

§ 3

Totalkvoten på 450 tonn ved Vest-Grønland skal delast på farty som seinast 23. desember 1985 er påmelde til Fiskeridirektøren for fiske ved Vest-Grønland i 1986. Dersom den samla godkjende lastekapasiteten til dei påmelde fartya overstig 450 tonn, skal kvoten fordelast etter loddtrekking til 4 av dei påmelde fartya med 112,5 tonn til kvart farty.

Dersom nokon av dei uttrekte fartya har ein godkjend lastekapasitet som er mindre enn 112,5 tonn, skal fartyet sin kvote setjast lik den godkjende lastekapasiteten.

Den resterande delen av den norske totalkvoten skal då delast i høve til storleiken på lastekapasiteten til dei uttrekte fartya med godkjend lastekapasitet større enn 112,5 tonn.

Dersom det 23. desember 1985 ikkje er påmelde farty for fiske ved Vest-Grønland med ein samla godkjend lastekapasitet på minst 420 tonn, blir det opna for fritt fiske frå den 8. januar 1986 fram til totalkvoten på 450 tonn er oppfiska.



§ 4

Fiskeridirektøren avgjør under kva gruppe det einsskilde deltakande fartyet høyrer til, og fastset kvoten til det einsskilde fartyet ved Vest-Grønland og Aust-Grønland.

Ved fastsetjing av kvotar etter § 3 kan det gjerast slike justeringar som praktiske omsyn tilseier.

§ 5

Deltakande farty skal melde frå til Fiskeridirektoratet før avgang til feltet, og skal sende kopi til Fiskeridirektoratet av dei meldingane om innseiling i sona, vekefangst og utseiling frå sona som dei er pålagde å sende etter gjeldande fiskerireglar i grønlandsk sone.

I den grønlandske sona ved Aust-Grønland kan ikkje fleire enn 15 farty fiske samstundes. For å gjennomføre denne avgrensinga i deltakinga i fiske etter reke ved Aust-Grønland kan Fiskeridirektøren forby farty å gå inn i sona, pålegge farty å gå ut av sona og inndelegge fartya i puljer eller tildelegge fartya tærnummer.

§ 6

Fiskeridirektøren kan fastsetje ein dato som siste frist for å starte fisket ved Aust-Grønland. Farty som ikkje har starta fisket innan ein slik fastsett frist, misser den kvoten som er tildelt etter §§ 2 og 4.

Den del av den norske totalkvoten på 2050 tonn som var tildelt farty som ikkje starta fisket innan fristen skal delast i samsvar med reglane i §§ 2 og 4 på dei fartya som har starta fisket ved Aust-Grønland. Farty som på grunn av havari blir hindra fra å starte fisket ved Aust-Grønland innan fristen kan etter søknad også takast med ved fordelinga av kvoter etter denne paragrafen.

Fiskeridirektøren kan oppheve fartykvotane ved Aust-Grønland fastsett etter §§ 2, 4 og 6, første ledd. Etter at fartykvotane er oppheva kan Fiskeridirektøren bestemme:

1. at deltakande farty kan fiske fritt fram til den totale kvote på 2050 tonn er oppfiska eller
2. at restkvoten blir delt med likt kvantum på kvar av dei deltakande farty.

Dersom restkvoten blir delt likt på dei deltakande farty kan Fiskeridirektøren fastsetje ein siste frist for å starte fisket. Farty som ikkje overheld fristen misser den tildelte kvote.

Dersom storleiken på restkvoten eller talet på innvilga lisenser tilsier at ferre farty enn dei som har meldt seg interesserte kan delta kan Fiskeridirektøren avgjere kven som skal få løyve til å



fiske.

§ 7

Blir fartykvotane etter §§ 3 og 4 ved Vest-Grønland (NAFO-området 1) ikkje utnytta innan 15. august 1986 kl 0000 GMT, blir kvotetildelingane oppheva, og deltakande farty kan fiske fritt fram til den totale kvoten på 450 tonn er oppfiska.

§ 8

Fiskeridirektøren kan fastsetje nærare forskrift om gjennomføring og utfyllig av reglane i denne forskrifta, under dette også forskrift om dagleg rapporteringsplikt, prøvetaking og tidspunkt for stopp i fisket når det blir utrekna at kvotane er oppfiska.

§ 9

Brot på reglane i denne forskrifta eller på reglar gitt med heimel i denne forskrifta blir straffa etter reglane i lov 3. juni 1983 nr. 40 om saltvannsfiske m.v. § 53.

§ 10

Denne forskrifta vert sett i kraft 23. desember 1985, og gjeld til så lenge.
